







405




焦氏易林
九






山名在嵩山下太室山名
伊闕縣五岳中
神明所保獨無



易林卷第九



乾上
艮下
遯

三塗五岳陽城太室神明所保獨無
兵革

三塗山名在河南伊闕縣五岳泰
山為東岳衡山為南岳嵩山為中
岳華山為西岳恒山為北岳陽城
山谷名在嵩山下太室山名

之乾

軟弱無輔不能自理意在外野心懷
勞苦雖憂無殆

無註

坤

周成之隆刑措無凶太宰讚右君子
作仁

史記周成康之際天下太平刑措

屯

四十餘年不用太宰周公也

穴有孤鳥坎生蝦蟇象出萬里不可
得捕

無註

蒙

俱為天民雲過吾西伯氏嫉妬與我
無恩

無註

需

三首六目政多煩惑臯陶瘖聾亂不

可從

未詳

訟

德積不輕辭王鈞耕三媒不已大福

來成

師

呂氏春秋太公鈞于滋泉孟子曰
伊尹耕於有莘之野三媒即三聘

堅固相親曰篤無患六體不易執以
安全兩師駕西濡我轂輪張伯李季
各坐關門

無註

比

方內不行輻摧輪傷馬楚蹊甚受子

閔時

無註

小畜

畜牝無駒養雞不雛群羊三歲不生

兩頭

未詳

履

老耄罷極無取中直懸輿致仕得歸

鄉里

漢薛廣德乞骸骨懸安車以致仕

泰

縮緒亂絲手與為哭越畝逐兔斷其

禪襦

無註

否

海老水乾魚鼈盡索藁落無潤獨有

沙石

無註

同人

入市求鹿不見頭足終日至夜竟無

所得

無註

大有

築門壅戶虎卧當道驚我驂騮不利

出處

無註

謙

陶朱白圭善賈息資公子王孫富貴

不貧

陶朱即范蠡遊江湖變姓名稱陶

朱公白珪名丹周人史言能薄飲

食忍嗜欲二人善賈貨生息資財
以致巨富

豫

王良善御伯樂知馬周旋步驟行中
規矩止息有節延命壽考

王良古之善御者伯樂古之善相
馬者

隨

堯問伊舜聖德增益使民不懼安無

悚惕

無註

蠱

昭公失常季氏悖狂遜齊處鄆喪其
寵身

春秋昭公二十五年九月戊戌伐
季氏叔孫氏孟氏救之三家反攻

公已亥公孫于齊次于陽州二十
六年三月公至自齊居于鄆三十
二年薨于乾侯

臨

昏暮不行候待旦明從住止後未得

相從

無註

觀

安上宜官一日九遷升擢超等牧養

常山

漢田千秋一日九遷其官牧養常

山未詳

嗟嗟

去惡就凶東西多訟行者无功

無註

賁

老馬垂耳不見百里君子弗恃商人
莫取無與為市

無註

剝

蝸螺生子深目黑醜似類其母雖或
相就衆人莫取

無註

復

百足俱行相輔為強三聖翼事不見

寵光

三聖堯舜禹也

无妄

容民畜衆履德有信大人受福童蒙
憂惑利無所得

無註

大畜

左跌右僵前躓觸桑其指據石傷其
弟兄老蠶不作家無織帛貴貨賤身
久留連客

無註

頤

昏人宜明囊食老昌國祚東表號稱
太公

太公嘗屠於朝歌後遇文王立爲

師尚父封國於東齊

大過

弊筍在梁魴逸不禁漁父勞苦葺空
乾口

弊壤筍晉詩人以弊筍不能制大
魚魴鰓大魚也

坎

盛中後跌衰老復掇盈滿減毀疾羸

肥肱鄭昭失國重耳與立

春秋魯桓公十七年鄭高渠彌弑昭公而立公子亶又僖公二十四年晉文公入國使殺懷公于高粱遂立而霸諸侯

離

折亡破甕使我困貧與母生分別離
異門

咸

無註

野有積廩穡人駕取不逢虎狼暮歸
其字

無註

恒

襁褓孩呱冠帶成家出門如賓父母
何憂

無註

大壯

陳力就列官職並廢手不勝益失其

寵門

無註

晉

積雪大寒萬物不生陰制庶士時本
冬貧

無註

明夷

龍闢時門失理傷賢內畔生賊自為

心疾

春秋昭公十九年鄭大水龍闢于
時門之外洧淵國人請為祭焉子
產弗許曰我聞龍不我覲也龍闢
我獨何覲焉禳之則彼室也吾無

求於龍龍亦無求於我乃止

家人

狗畏狼虎依人為輔三夫執戟伏不敢趨身安无咎

無註

睽

南山高巽回隕難登道里遼遠行者無功憂不成凶惡亦消去

巽音岡隕音頽

蹇

逢時陽遂富且尊貴

無註

解

求我所欲得其利福終身不辱盈盛之門高屋先覆君失邦國

無註

損

安坐至暮禍災不到利詰奸妖罪人

弗赦

無註

益

膠車駕東與兩相逢五檠解墮頓軛

獨宿憂為身禍

詩云五檠梁軛註云五五束也檠

夫

歷錄然文章之貌以皮革五處束之其文章歷錄然也軛車轆也

擇曰高飛遂至東齊見孔聖師使我

和諧

無註

始

陳媯敬仲北興齊姜乃適營丘八世

大昌

按春秋傳陳媯姓敬仲即陳公子
完魯莊公二十二年奔齊使為工
正初懿氏卜妻敬仲曰有媯之後
將育于姜八世之後莫之與京姜
齊姓營丘齊所封之地

萃

缺埒無墀難從東西毀破我盆泛棄

酒食

埒音劣墀音善

升

中夜狗吠盜在廬外神光祐助消散
解去

無註

困

雷車不藏隱隱西行霖雨三旬流為

河江使國憂凶

無註

井

老河虛空舊井無魚利得不饒避患
東鄰禍入我門使我悔存

無註

革

福德之士懽悅日喜夷吾相國三歸

為臣賞流子孫

夷吾齊相管仲也三歸臺名婦人
謂嫁曰歸一娶九女而備三姓

鼎

清人高子久屯外野逍遙不歸思我
慈母

高子高克也詩云清人在彭駟介
旁旁註云鄭文公惡高克使將清

邑之兵禦狄于河上久而不召師
散而歸高克奔陳鄭人爲之作此
詩也

震

驄驄黑鬣東歸高鄉白虎推輪倉龍
把衡朱雀道引虛烏載遊逐扣天門
入見真君馬安人全

驄音葛鬣音宗

歸妹

小取之市利不足喜二世積仁蒙其
祖先匪躬之言狂悖爲患

無註

漸

端坐生患憂來入門使我不安

無註

艮

路多枳棘步刺我足不利旅客爲心
作毒

無註

豐

登高望時見樂無憂求利南國與寶

相得

無註

旅

巽

疏足息肩有所忌難金城鐵郭以銅
爲關蕃屏自衛安上無患

漢關中金城千里天府之國也

江有施泥思附君子伯仲受歸不我
肯顧姪娣悔恨

泥當作汜詩云江有施之子歸不
我過不我過其孺也歌又云江有

汜不我以不我以其後也悔按詩
傳水決復入爲汜今江陵漢陽安
復之間蓋多有之沱江之別者之
子媵妾指嫡妻而言也婦人謂嫁
曰歸我媵自我也能左右之曰以
謂挾已而偕行也是時汜水之旁
媵有待年於國而嫡不與之偕行者
其後嫡被后妃夫人之化乃能自

悔而迎之故媵見江水之有汜而
因以起興言江猶有汜而之子之
歸乃不我以雖不我以然其後亦
悔矣

允

牙孽生達陽倡於外左手執籥公言

錫爵

詩云左手執籥右手秉翟赫如渥

赭公言錫爵按詩傳簫如笛而六
孔或三孔翟雉羽也執簫東翟者
文舞也公言錫爵即儀禮燕飲而
獻工之禮也

渙

雲夢苑圍萬物蕃熾犀象瑋瑁荆人
以富

荊州有澤藪曰雲夢方八九百里

節

渠戎萬里晝夜愁苦橐甲戎服雖荷
不賊鷹鷂之殘害不能傷

無註

中孚

鎡基逢時稷契皋陶貞良願得微子
解囚市空無虎謾誕妄語

孟子曰雖有鎡基不如待時書舜

典稷播百谷契敷五教臯陶明刑
微子紂庶兄也

小過

騎驢與蒼南賈太行逢駁猛虎為所
吞殤葬於渭陽一本有又害不傷

無註

既濟

出門東行日利時良步騎與駟經歷

宗邦暮宿北燕與樂相逢

無註

未濟

酒為懽伯除憂未樂福善入門與君
相索使我有得

無註

☵☲

震上
乾下
大壯

左有噬羆右有噬虎前觸鐵矛後躡

強弩無可抵者

無註

之乾

金齒鐵牙壽考宜家年歲有儲貪利者得離其咎憂

無註

坤

家給人足頌聲並作四夷賓服干戈

囊閣

書明王慎德四夷咸賓史記武王勝殷包藏弓矢戢弭干戈以示弗用也

屯

獼猴冠帶盜載非位象犬嚙吠狂走厥足

無註

蒙

心患其身不念安存忠臣孝子為國除患

無註

師

鹿下西山欲歸其群逢羿鋒箭無於矢端

羿古之善射者

訟

東行西窮南北無功張伯賣鹿從者失羊

無註

需

君不明德臣亂為惑丞相命馬胡亥失所

按秦紀趙高欲為亂恐群臣不從

乃先設驗以鹿獻於二世曰馬也
二世笑曰丞相誤邪謂鹿為馬問
左右或默或語高陰中諸言鹿者
用法繩之後群臣皆畏高此言人
君之德不明為姦臣之所惑亂胡
亥之於趙高是也

比

明夷兆初三日為災以讒後歸名曰

豎牛剥亂叔孫餒卒虛丘

餒當作餒春秋成公十六年魯穆
子去叔孫氏奔齊及庚宗遇婦人
宿焉生子曰牛復歸魯立為卿使
牛為豎有寵長使為政牛不食叔
孫遂餒而卒

小畜

秦失嘉居河伯為怪還其御璧神怒

不祐織組無文燒香弗芬

按秦紀使者從關東夜過華陰平
舒道有人持璧遮使者曰爲吾遺
瀉池君今年祖龍死使者問其故
因忽不見置其璧去使者奉璧具
以聞始皇使御府視璧乃二十八
年渡江所沉之璧也此言始皇將
終江神以璧遺瀉池之神以相告

履

德至之君禍不過鄰使我世存身無
患災

無註

泰

衆惡之堂相聚爲殃出毒良人使道
不通

無註

否

三癡六狂欲之平鄉迷惑失道不知

昏明

無註

同人

老弱無子不能自理郭氏雖憂終不
離咎管子治國侯伯之服乘輿八百
尊祀祖德

管子即管仲相桓公霸諸侯

大有

褒后生虵經老皆微追跌衰光酒滅

黃離

褒后即褒姒初夏后氏褒有二龍
降于庭卜藏其漿自夏商莫敢發
周人發之漿化為玄黿後宮童女
遭之而孕無夫而生子懼而弃於

路人哀其夜號而收養之逸於褒
褒人有罪進是女於周幽王寵之
號曰褒姒索隱曰玄龜蜃蜴也褒
后之生蓋出于此

謙

驄驄黑鬣東歸高鄉白虎推輪蒼龍
把衡逐至夷傷不離谷殃

驄音葛鬣音宗

豫

信譎龍且塞水上流半涉決囊焚師
覆凶

按史韓信攻齊項羽遣龍且救之
夾濰水而陳信今萬餘人囊沙壅
水上流引軍半渡擊之佯不勝走
還龍且追信信急遣人決壅水大
至且軍大半不得渡信急擊殺且

隨

有莘季女為王妃后貴夫壽子毋字

四海

按本紀鮪取有莘氏女謂之女志是生高密宋衷云高密禹所封之國也

鹽

德被八表變夷率服螫賊不作道無

苛慝

無註

臨

載日精光驂駕六龍祿命徹天封為

燕王

未詳

觀

纓急縮頸行不得前五石示象襄霸

弗成

春秋僖公十六年正月戊辰殞石于宋五註云石者陰德之專也宋襄欲行霸事卒以五年見執如五石之數也

噬嗑

蛇失其公載麻當喪哀悲哭泣送死離鄉

無註

賁

回隕不安兵革為患掠我妻子客屬

飢寒

無註

剝

乘風雨橋與鳥飛俱一舉千里見吾愛母

無註

復

雷霆所擊誅者五逆磨滅無迹有懼

方息

無註

无妄

張氏揖酒請謁左右王叔枯槁獨不

蒙所

無註

大畜

坐爭立訟紛紛旬卒成禍亂災及

家公

無註

頤

霜降閉戶蟄蟲隱處不見日月與死

為伍

無註

大過

鼠聚生怪為我患悔道絕不通商旅

失意

無註

坎

寒暑不當軌度失常一前一後年歲

鮮有

無註

離

築室水上危於一齒丑寅不徙辰卯

有咎

無註

咸

畜雞養狗長息有儲耕田得黍王母

喜舞

無註

恒

東壁餘光數間不明主母嫉妬亂我
業事

東壁星名

遯

剛柔相傷火爛銷金鷓鷹制兔伐楚
有功

未詳

晉

鄭國讒多數被楚憂商人愁苦民困
無聊一本云三豕俱走鬪於虎口白
豕不勝死於坎下

春秋魯僖公元年楚伐鄭三年楚
又伐鄭蓋鄭當晉楚之間無歲而
不被兵也

明夷

弓矢其張把彈弦折九發不至道過
害患

無註

家人

舉觴飲酒未得至口側弁醉酗拔劍
相怒武侯作悔

詩賓之初筵衛武公飲酒悔過而

作其詩云側弁之俄

睽
原本空文

蹇

穿空相宜利倍我北循邪詭道逃不
可得南北望邑遂歸入室

無註

解

壽如松喬與日月俱常安康樂不離

禍憂

赤松王喬皆古仙人名

損

出門望東伯仲不來疾病為患使母

憂歎

無註

益

大妣之孫周文九子咸遂受成寵貴

富有

詩曰太妣嗣徽音大妣文王之妃
武王之母也春秋傳曰武王同母
第八人并武王為九也大妣教誨
諸子自少及長未嘗見邪僻之事
及其長文王繼而教之卒成武王
周公之德故云咸遂受成寵貴富
有也

夫

桃李華實累累日息長大成熟甘美
可食為我利福

無註

始

昏禮不明男女失常行露反言出爭
我訟

詩厭浥行露豈不夙夜謂行多露

萃

又誰謂女無家何以速我訟註云
南國之人遵召伯之教服文王之
化有以華其前日淫亂之俗故託
以行多露而畏其油濡也

空穿漏弊破桴殘缺陰弗能完瓦碎
不全

無註

升

數窮廓落困於歷室往登玉堂與堯
侑食

按史舜微時耕於歷山堯舉而任
之加諸上位

困

道濕為坑輪陷躓僵南國作諱使我
多畏

井

無註

鰥寡孤獨福祿苦薄入室無妻武子
哀悲

按春秋魯襄公二十五年崔武子
欲娶棠姜筮之其繇曰入其宮不
見其妻凶

革

舉被覆目不見日月衣衾杖机就其
夜室

按史記越伐吳吳三戰三北夫差
上姑蘇亦請成於越范蠡不可夫
差曰吾無以見子胥為幘冒乃死

鼎

長尾踳地畫地為河深不可涉絕無
以北惘然憤息

震

無註

晨風文翰大舉就温昧過我邑羿無
所得

詩晨風篇云歟彼晨風鬱彼北林
晨風鷗也羿后羿古之善射者

良

出入節時南北無憂行者亟至在外

歸來

無註

漸

陽氏狂惑季孫亂憤陪臣執政平子
拘折我心不快

陽氏即陽虎季氏之家臣專政季
孫即季孫氏曾大夫陪臣家臣謂
陽虎也平子季孫意如也

歸妹

五鳥六鷁相對蹲踞禮讓不與虞芮
爭訟

虞芮二國名相與爭田不決乃如
周入界耕者皆讓畔民俗皆讓長
二人慚之乃不見西伯而還感而
相謂曰我等小人不可以復君子
之庭於是俱讓其田不取

豐

顧念所生隔在東平遭離蒲沸河川
決潰幸得無恙復歸相室

無註

旅

追獵東走兔逃我後吾銳不利獨空
無有

無註

巽

犬吠非主上下膠擾敵人襲戰閔王
逃走

史記燕昭王伐齊戰于濟西齊師
大敗閔王出走

兌

嵩高岱宗峻直且神觸石膚寸千里
蒙恩

白虎通云嵩高山者中央之岳獨
加高字者何中央居四方之中而
高故曰嵩高五經通義王者受命
易姓報功告成必於岱宗也

渙

陳魚觀社佞荒踰矩爲民開緒亡其
祖考

春秋隱公五年公將如棠觀魚臧

僖伯諫曰不軌不物謂之亂政亂
政並行所以敗也公曰吾將畧地
焉遂往陳魚而觀之莊公二十三
年公如齊觀社非禮也曹劌諫曰
不可夫禮所以整民也君舉必書
書而不法後嗣何觀

節

四壁無戶三步一止東西南北利不

可得

無註

中孚

求君衣裳情不可當觸諱西行爲伯
生殃君之上歡得其安存

按春秋蔡昭侯爲兩佩裘以如楚
獻一裘一佩於昭王自服其一子
常欲之弗與三年止之蔡人聞之

小過

固請而獻佩于子常遂歸蔡侯

春鴻飛東以馬貨金利可得深

貨音茂

既濟

禾生蟲蠹還自剋賊使我無得

無註

未濟

桀亂無道民散不聚倍室棄家逃遁
出走

史記夏桀為傾宮瑤臺殫百姓之
財湯伐之放於南巢

☷
坤上
晉

銷鋒鑄耜休牛放馬甲兵解散夫婦
相保

無註

之乾

一衣三冠無所加元衣服不來為我
災患

無註

坤

百足俱行相輔為強三聖翼事王室
寵光

三聖堯舜禹也

屯

魚蛇之怪大人憂懼梁君好城失其

安居

春秋梁伯好土功亟城而弗處

蒙

少無強輔長不見毋勞心遠思自傷

憂苦

無註

需

前涉溽暑解不可取離河三里敗我

利市老牛病馬去之何悔

無註

訟

君明有德登天大祿布政施惠以感

恩福中子南遊翱翔未復

無註

師

嗥然唯諾敬上尊容執恭除患禦侮

致福

無註

比

黍稷禾稻垂秀方造中旱不雨傷風

病藁

無註

小畜

三羸六罷不能越跪東賈失馬往反

勞苦

無註

履

倚立相望引衣欲莊陰雲蔽日暴雨

所集降我歡惠使道不通

無註

泰

高脚疾步受肩善趨日走千里賈市
有得

無註

否

北風寒涼雨雪益冰憂思不樂哀悲
傷心

詩云北風其涼雨雪其雱言北風

雨雪以比國家危亂將至而氣象

愁慘也

同人

貞鳥鳴鳩執一無尤寢門治理君子
悅喜

無註

大有

菱蕭露瀼君子龍光鳴鸞雍和福祿

來同

詩蓼蕭篇云蓼彼蕭斯零露瀼瀼
既見君子為龍為光又云和鸞雖
雖萬福攸同言諸侯朝于天子天
子與之燕以示慈惠而作也

謙

南行求福與喜相得封受上賞鼎足
輔國

豫

無註

桑華腐蠹衣弊如絡女功不成絲布
為玉

無註

隨

左服易右王良心懽嘉利從已
詩大叔于田篇云兩服上襄註衡

下夾轅兩馬曰服王良古之善馭者

蠱

壽考不忘駕驛東行之適陳宋南賈楚荆得利息長旅自多罷畏晝喜夜無註

臨

羔羊皮弁君子朝服輔政扶德以合

萬福

詩羔羊之皮素絲五紕羔羊之革素絲五紕言南國化文王之德在位皆節儉正直故詩人美其衣服有常也

觀

鷓鴣徙巢西至平州遭逢雷電破我葦廬室家飢寒思吾故初

無註

噬嗑

大尾小頭重不可擢上弱下強陰制其雄

無註

賁

䟽足息肩有所忌難金城銅郭以鐵爲關蕃屏自衛安止無患

剝

漢關中金城千里天府之國也

天命玄鳥下生大商造定四表享國久長

詩商頌玄鳥篇云天命玄鳥降而生商古帝命武湯正域彼四方

復

賊毀重數政爲民賊杼軸空虛家去

其室

賦鈹當作賦歛詩小東大東杼柚
其空杼持緯者也柚受經者也

无妄

陰陽隔塞許嫁不荅宛丘新臺悔往
歎息

詩宛丘篇云子之湯兮宛丘之上
兮洵有情兮而無望兮又新臺篇

云新臺有泚河水瀰瀰燕婉之求
蘧條不鮮此皆言淫荒昏亂而作
大畜

願望登虛意常欲逃賈辛醜惡妻不
安夫

春秋魯昭公二十八年魏戲子謂
賈辛曰昔賈大夫惡娶妻而美三
年不言不笑

坎

懸懸南海去家萬里飛兔驀裏一日
見母除我憂悔

無註

大過

信敏恭謙敬鬼神五岳四瀆尅馭
帝心受福宜年

無註

頤

取行竊視有所畏避蔽目伏藏以夜
為利

無註

離

雖汗不辱因何洗足童子褰衣五年

平復

未詳

咸

宮城立見衣就袂裙恭謙自衛終無禍尤

無註

恒

弊筭在梁不能得魚望貧千里所至空虛

詩敝筭在梁敝壞筭罟也言以敝

遯

筭不能制大魚焉

千里駢駒為王服車嘉其驪榮君子

有成

無註

大壯

鼎足承德嘉謀生福為王開庭得心所欲

無註

明夷

右手無合獨折左指禹湯失佐事功

弗立

禹夏禹湯成湯也

家人

憂凶憎累患近不解心意西東事無成功

無註

睽

東行食榆困於枯株失妻無家志窮

為憂

無註

蹇

五經六紀仁道所在正月繁霜獨不

離咎

五經五常六紀六德詩正月繁霜

解

懈緩不前愒怠失便二至之戎家無
禍凶刻木象形聞言不信

無註

損

仁愛篤厚不以所忿害其所子從我
舊都日益富有

無註

益

缺破不成胎卵未生弗見兆形

無註

夬

摧角不傷雖折復長秉德無蹇老賴

榮光

無註

姤

乘桴渡海免脫厄中雖困无咎

桴筏也語云乘桴浮于海

萃

孔鸞鴛鴦鷓鴣鸚鵡翺翔紫淵嘉木

之圃君子以娛

無註

升

衆來得願甘露温潤樂易君子不逢

禍亂

甘露仁澤也太平之世則降

困

東騎墮落千里獨宿高岸為谷陽失

其室

無註

井

八才既登以成善功厖降庭堅國無
憂凶

高陽氏才子八人厖降庭堅其二
子也

震

白鳥銜餌嗚呼其子施投張翹來從
其母

無註

艮

學靈三年聖且明神先見善祥嘉吉
福慶餌吉知來告我无咎

無註

革

邯鄲反言父兄生患竟涉憂恨卒死
不還

涉即陳涉涉嘗令陳人武臣徇趙

地武臣到邯鄲自立為趙涉怒捕
繫武臣家室後因柱國之諫遂立
武臣為趙王武臣終於背涉竟死
於莊賈之難出陳涉傳

鼎

五銑鐵願倉庫空虛賈市無盈與利
為快

按韻註鍾口兩旁曰銑又云銑金

漸

之澤者鐵願未詳銑當作銑

雲孽烝起失其道理傷害年穀神君
之精

無註

歸妹

春耕有息秋入利福獻豳大從以樂
成功

卷九 五十五
豳風詩云三之日于耜四之日舉趾又曰九月築場圃十月納禾稼四章曰言私其豨獻豨于公註云豨一歲豨豨三歲豨也

豐

羸豕躑躅虎入都邑遮遏左右國門救至一作救急

無註

旅

東行西維南北善迷逐旅失群亡我

襦衣

無註

巽

居室之倫夫婦和親小人乘車石果

失豢

石當作碩易剥之上九碩果不食

君子得輿

兌

東方孟春乘冰戴盆懼危不安終身
所歡

無註

渙

風吹塵起十里無所南國年傷不可
安處

無註

節

重載傷車婦失無夫三十不室獨坐
空廬

無註

中孚

販牛羸馬與利爲市不我嘉喜
無註

小過

日出阜東山救其明章父薦履箕子

佯狂

父當作甫章甫禮冠履履也商紂

無道箕子佯狂而為奴

既濟

出入門所與道開道杞梁之信不失

日中少季渡江來歸其邦疾病危亡

春秋魯襄公二十三年齊侯襲莒

杞殖華還遇莒子於蒲侯氏莒子

重賂之請盟華周對曰昏而受命

曰未中而弃之何以事君莒子遂

獲杞梁即杞殖也

未濟

邑兵衛師如轉蓬時居之危凶

無註

☶ 坤 上明夷

他山之儲與璆為仇來攻吾城傷我肌膚邦家騷憂

無註

之乾

踐履寒冰十步九尋雖有苦痛不為憂病

無註

坤

太公辟紂七十隱處卒遭聖文為王

室輔

初太公隱居屠釣後遇文王以興

周室

屯

日月之塗所行必到無有患悔

無註

蒙

諷德頌功美周盛隆且輔成周光濟

冲人

詩雅頌周公所作且周公名相成

王冲人成王也書云惟予冲人弗

及知

需

童女無室未有配合空坐獨宿

訟

無註

穿鼻繫株為虎所拘王母祝祠禍不

成災遂然脫來

無註

師

黃帝神明八子聖聰佚受大福天下

平康

卷六
六十一
黃帝軒轅氏至高陽氏有才子八
八天下謂之八愷

比

深谷爲陵衰者復興亂傾之國民得
安息中婦病困遂人冥室

人當作入

小畜

道遠遼絕路宿多悔頑囂相聚生我

畏惡

無註

履

旦樹菽豆暮成藿羹心之所樂志快

心懼

無註

泰

切切之患凶憂不存虎不敢齧利當

我身

無註

否

王伯遠宿長婦在室異袍恃食所求

不得

無註

同人

寒燠失時陽旱為災雖耗無憂

無註

大有

雖窮復通履危不凶保其明功

無註

謙

狼虎所宅不可以居為我患憂

無註

豫

喋囁處曜昧冥相傳多言少實語無成事

無註

隨

履冰蹈凌雖困不窮播雀登巖卒無

憂凶

凌陰水室也

蠱

文文墨墨憂禍相雜南北失志東西

不得

無註

臨

爭訟不已更相談詢張季弱日被髮北走

詢音詒

觀

德積逢時宜其美才相明輔聖拜受
福休長女不嫁後爲大悔

無註

嗟嗟

江水沍沍思附君子伯仲爰歸不我
肯顧姪娣恨悔

姪音迭詩云江有沍之子歸不我
過不我過其嘯也歌又云江有沍

之子歸不我以不我以其後也悔
按詩傳水決復入爲沍今江陵漢
陽安復之間蓋多有之沍江之別
者之子媵妾指嫡妻而言也婦人
謂嫁曰歸我媵自我也能左右之
曰以謂挾已而偕行也是時沍水
之旁媵有待年於國而嫡不與之偕
行者其後嫡被后妃夫人之化乃

能自悔而迎之故媵見江水之有
汜而因以起興言江猶有汜而之
子之歸乃不我以雖不我以然其
後也亦悔矣

賁

光禮春成陳寶雞鳴陽明失道不能
自守消亡為咎

按秦紀索隱註曰漢書郊祀志云

文公獲若石云于陳倉北坂城祠
之其神來若雄雉其聲殷殷云野
鷄夜鳴以牢祠之號曰陳寶又臣
瓚云陳倉縣有寶夫人祠歲與葉
君神會祭于此者也

剝

驚虎無患虞為我言賴得以安

無註

復

偽言妄語轉相註誤不知狼麪

無註

无妄

履悖自敵凶憂來到痛不能笑

無註

大畜

牽尾不前逆理失臣惠朔以奔

頤

春秋左右公子立黔牟衛朔奔齊

三狸搏鼠遮遏前後死於環城不得

脫走

無註

大過

言笑未卒憂來暴卒身墨丹索檻囚裝束

無註

坎

陰積不已雲作淫雨傷害平陸民無
室屋

無註

離

山林麓藪非人所處鳥獸無禮使我
心苦

無註

咸

新作初陵踰蹈難登三駒推車跌頓
傷頤

無註

恒

魂微愒愒行續聽絕曠然大通復更
生活

無註

遜

樂子作殃伯氏誅傷州犁奔荆去其邑鄉

春秋成公十五年冬十月晉三卻害伯宗諸而殺之及樂弗忌伯州犁奔楚

大壯

高明大彤造惡作凶無所能成還自滅身

高明大彤作驕胡大彤義通

晉

陳絳達城使安不傾增榮益譽以成功名

無註

家人

三杞無棗家無積莠使鳩求婦頑不
我許

無註

睽

慎禍重病顏子爲友乃能安存牢戶
繫羊乃能受慶

顏子即顏淵

蹇

鹿得美草嗚呼其友九族和穆不憂

飢乏

詩鹿鳴篇云呦呦鹿鳴食野之苹

我有嘉賓鼓瑟吹笙

解

亡玉失鹿不知所伏利以避危全我
生福甘雨時降年歲有得

無註

損

逢時得當身受福慶

無註

益

鵠思其雄欲隨鳳東順理羽翼出次
須日中留此邑復反其室

無註

夬

姤

環堵倚鋤升升屬口貧賤所處心寒
昨苦

無註

孤獨特處莫依為輔心勞志苦

無註

困

絕而復通雖達不窮終得其願姬姜

相從

無註

井

陽井悖狂拔劍自傷為身坐殃

井當作氏陽氏即陽虎也

革

方圓不同剛柔異鄉掘井得石勞而

無功

鼎

無註

乘風雨會與飛鳥俱動舉千里見我

愛母

無註

震

三塗五岳陽城太室神明所扶獨無

兵革

三塗山名在河南伊闕縣陽城山
谷名在嵩山下太室山名

良

鷓鴣取婦深目窈身折腰不媚與伯
相背

無註

萃

稷爲堯使西見王母拜請百福賜我

喜子長樂富有

稷后稷王母古神仙也

升

鳴條之郊北奔犬胡左衽爲長國號
匈奴王君旄頭立尊單于

樂彥括地譜云夏桀無道湯放之
鳴條三年而死其子葷粥妻桀之
衆妾避居北野隨畜移徙中國謂

之匈奴單于者廣大之貌尊稱之

漸

轉行軌軌行近不遠旦夕入門與君

笑言

無註

歸妹

求利難國逃去我北復歸其城不為

吾賊

豐

無註

日月之途所行必到無凶無咎安寧

不殆

無註

旅

管仲遇桓得其願歡膠自啓牢振冠
無憂笑戲不止空言妄行

鮑叔舉管仲於齊桓公任以為相
膠目啓牢未詳

巽

出入蹈踐動順天時俯仰有節禍灾

不來

無註

兌

內崩傷中上亂無恒雖有美粟我不

得食

無註

渙

逐禍除患道德神仙退惡萬里福常
在前身樂以安

無註

節

牛驚馬走上下渾擾鼓音不絕頃公

奔敗

春秋魯成公二年衛孫桓子魯臧宣叔晉卻克與齊頃公戰晉人援桴而鼓馬逸不能止師從之頃公敗績

中孚

西上九阪往來留連止須時日虛與有得

小過

虎怒捕羊豕不能攘

無註

既濟

踊泉瀉瀉南流不絕卒為江海壞敗邑里家無所處將帥襲戰獲其醜虜

無註

未濟

桃弓韋戟除殘去惡敵人執服

無註

易林卷第九

